

#812.81
2734
3



978785

諸名家評點

魏叔子文集

易堂原板

魏冰叔集序

往者吾與魏冰叔同守一代之制首攻四書義是時
 吾二人各以才智以相取要其所尚最爲獨異蓋吾
 意每欲追述孔曾思孟之旨至于一毛一髮一咳一
 唾時所務肖冰叔則求其意義廣博必推發其所未
 始有是以于當世議論風發之文滌瑕研精鈎抉無
 遺其先正鉅公亦頗遭厭棄焉顧予則每遡經義上
 及于洪永又搜覽諸子史漢唐宋大家及他雜藝之
 耶序一

文私竊謂文惟經義中可以無所不盡蓋所以變易
 秦漢以來諸文之面貌而化糟粕以爲其神且奇也
 是故吾與冰叔時爲古雜文而冰叔第取足道其意
 而已未嘗揣攻之其子之用心于古文者又凡以爲
 經義也經義工而古文詞則以其餘力以及之其後
 俱休廢窮山中冰叔乃漸肆力于古文以極陳其中
 所欲發而無所爲發者冰叔于是能自削除其議論
 之繁博而其精杰益乃出矣自冰叔益務爲古文則

無不使予論較之冰叔之文旣精強于事理操術甚切而篤於情暢于其勢明于辨吾嘗謂之量家令趙營平豈執簡漆爲文者哉且出師表前後二篇上高宗封事一篇雖武侯澹菴不更有他文類是者故冰叔之文不必爲文而文則益勝焉者也吾庶幾望之矣然而冰叔執其文教授山中則又其情曰淡其氣曰和以出而遊江達淮徑吳越以反其示予文烟波嗚咽一唱而三歎蓋旣又非吾之所望者何也

耶序二

初冰叔之力爲古文也豈不嘗曰吾不求文之工吾求文不至于湮沒吾之論而已而何以工爲冰叔不求工于文如是嗚咽唱嘆其工于文然則其文蓋自又有工者可知也吾昔望冰叔之文如彼冰叔今於文如此吾視冰叔其今之文如彼矣吾又安知冰叔文不後之如此耶吾其望之矣篤也暢也明也精強而切也其文勝也不必爲文而文勝也未可知也韓退之于東野李翱張籍之鳴於詩則歸之于天矣吾

于冰叔之文亦如此焉

易堂友兄邱維屏謨

邱序三



易堂文集

序

吾友魏叔子與予同學年十一歲爲時文補弟子員冠其曹長而名公鉅卿年五六十者咸以等輩禮之或所執贊受業師逡巡退讓稱先生而不字予意叔子及壯年時已舉名進士立朝廷上侃侃然發其所學爲世名臣乃甲申乙酉來自以病放廢山中盡棄去其時文爲古文辭而其所自脩立與設施之方皆不獲用嗚呼其爲文益工而其志益可悲也已叔子

會序一

生平于吾易堂中爲古文者最服膺其姊婿邱邦士凡有作必相與論定邦士雅愛歐陽文忠叔子愛蘇明允故其文特雄健而又不肯學古人專家步趨其形容摹其聲咳往往好出高論奇識凌厲古人及壬癸以來則多和平嗚咽往復而不盡又幾幾于歐陽文忠所爲然其精悍之氣逼出于眉宇不可得而馴伏也予往讀洪永以來之文自宋文憲以下其最著如歸震川茅鹿門唐荆川諸先輩正足與古人相上


下然平緩時弱之調往往而有則豈以國家八股取士有以靡其氣而柔習其心乎叔子當工八股時輒厭惡之陋其體製著制科策三篇欲廢之而易以策論故其八股多闕肆奇偉浩汗之文而乙酉丙戌所作書疏則出入賈長沙李忠定間余于叔子少一歲兄事之生平爲詩文單辭隻字雖千里外必就正叔子而叔子以古義相督責余有過失每發聲徵色詆呵之如嚴師之于童子其或數往相見塞墨不交一

曾序二

語則自十三四歲時已然矣予十年來以衣食走四方不得與叔子朝夕講業叔子學問文章如是而予鹿鹿無一有所成就是可悲也今其兄子世傑編次其文集付諸梓人請予爲之評點予則何敢讓因爲采諸家評論次第折衷以附其文叔子又自言吾于史漢叙事法未能得其要領而最好左氏間發其微言大義成左傳經世一書余從遠方歸每出示數則怵然如震雷暴起于左方驚魂動魄既而繹思則又

如飢得食如寒得衣心安而體順始嘆此書蓋自有
左氏數千餘年之所絕無而僅有者也叔子兄善伯
弟和公皆與予爲兄弟交並著詩文集若干卷子亦
欲得序而出之時甲辰立秋日易堂友弟曾燦撰

曾序三



易堂友弟曾燦撰
甲辰立秋日
序

續論跋

士君子之處世也當其治則事功多而言語少及其衰則事功少而言語多豈好爲異哉仲尼曰托諸空言不如見之行事之渙切著明也太史公曰自周公卒五百歲而有孔子孔子卒後于今五百歲有能紹明世正易傳繼春秋本詩書禮樂之際小子何敢讓焉然則言語者士君子不得志之事功也士生千百世後明聖不作言人人殊無論淺見寡聞者不足與言卽博雅之流卓然自命爲君子者亦每行其私意魏叔子文集

卷一 跋一

持論不根如邱文莊濬于南渡事取賊檜而非武穆是遵何說哉魏叔子天資高邁好學不倦經子百家之書無不貫穿而尤長于論史往刻史論二卷近又著續論十篇自兩漢至五代歷金言開剗則規模宏遠論進取則經權互用于尉佗孫恩王審知詳察其勢于劉智遠洞見其情究諸史之未發而不爲放言高論以駭世所謂有用書生者非耶嗟乎叔子不得使見之行事遯跡山岳發憤而爲言豈惟叔子之不幸可慨也著書多家貧不能自梓嘗懼放失晉人王

半哭年少有志于學讀叔子之文而高其人代刻十
論以倡同志長卿未嘗著書有則時時爲人取去其
信然哉丁巳立秋日涇陽同學弟楊敏芳跋

魏叔子文集

卷一 跋二

奇器黃丁白文海目對同學集琳琳世冠

所以借閱亦其未嘗著書有則時時爲人取去其

半哭乎未嘗志于學讀叔子之文而高其人代刻十

凡例

一古人文集不加批點然有一經批點則文之精神要領逼出紙上或如頰上三毛象外傳神因取諸名家評點於詩文相發明者酌錄之

一家叔父詩文好人彈射又每自刮磨客游諸作皆主人代爲流布朝脫於手暮登於木或先削板以待草成後有改定輒就板剗削行墨多空不能更費梓人也

一諸文隨時續刻年歲先後都無次序

魏叔子文集

卷首 凡例

一

一日錄三卷詩八卷已刻版另行

一叔父著作最衆貧無工費今先刻若干草草竣事請政海內諸散文藏笥中者尚數百篇新作百首俟之二刻

一叔父著有尚書餘一卷左傳經世鈔十卷擬奏疏一卷內篇二卷俱嗣刻

一卷以體分有多近百翻少十翻者未能均稱

諸子世傑敬識

自敘

余自幼讀書長受教于大人君子進進以不及古人
爲恨生平爲文又不喜學古人一家據吾之所然者
畫朕言之使無遁理而已天不以人之喜怒而變其
風雨君子不以人之愛憎巧其辭吾之言善天下從
而見之吾之言不善天下亦從而見之適吾之意而
天下洞然于吾心吾何求耶余治四子之文有暇間
爲雜體或觸于事會之所遭率爾抒其胸臆積歲所
得不覺遂多于是以丁亥休夏之月類而秩之各標
魏叔子文集

卷首 自序

數言于首名曰外篇易堂魏禧書

魏叔子文集外篇總目

第一卷

論

第二卷

論

第三卷

策

第四卷

議

魏叔子文集

卷首總目

第五卷

書

第六卷

書

第七卷

手簡

第八卷

敘

第九卷



敘

第十卷

敘

第十一卷

敘

第十二卷

題

跋

第十三卷

書後

魏叔子文集

卷首總目

二

第十四卷

文

第十五卷

說

第十六卷

記

第十七卷

傳

第十八卷

墓表誌銘

第十九卷

雜問

第二十卷

四六

第二十一卷

賦

第二十二卷

雜著

魏叔子文集

卷首總目

三

同里後學謝庭綬若亭重刊

男階玉
階琛階瑞
階珣階珍
校字

道光二十五年孟春月重刊於珍溪之絃園書塾

京都三魏集



同里後學謝庭綬若亭重刊

階玉
階琛
階瑞
階珣
階珍

論引

論議也言之不足則議之博辨肆志而得其說是故
孔子曰辭達而已辭達使明也僅以使明則不可明
故曰論精微而明暢雖狀此猶夫一端之論余往治
制藝不喜規矩先輩獨思以其說明古人之義制體
不同浸淫乎論策矣嗚呼論策制科此余之志也夫

魏禧自識

魏父子文集

論

卷一 引

一

魏叔子文集 外篇目

第一卷

相臣論

伊尹論

正統論上

正統論中

正統論下

兩漢論

留侯論

陳勝論

鼂錯論

尉佗論

雋不疑論

漢中王稱帝論

阮籍論

高允論

魏叔子文集

卷一 論目

唐太宗平內難論

續縱囚論

唐肅宗靈武卽位論

劉知遠論

宋論上

宋論下

太平興國論

蔡京論

蘓雲卿論

趙鼎張浚陳俊卿虞允文論

續續朋黨論

平論一

平論二

平論三

平論四

地獄論上

地獄論中

地獄論下

地獄補遺論

魏叔子文集

卷二

論目

二

魏叔子文集外篇卷之一

論

寧都魏禧冰叔著 諸子世傑與士編次

○○相臣論

秦誓稱休休有容孔子戒驕吝此特爲有才者言之也相臣不可無才猶人不可無五穀彼恃材驕妬是貪食過飽而病且死者耳後世悞讀二書遂成庸相絕大模本國朝雖廢丞相然入閣辦事其權不輕獨怪後來專以科目資格限人拜相必繇翰林不習民情吏事最可笑者舒行緩步輕咳微聲以養相度竟同木偶兒戲每讀國史清謹忠直者不乏人而才畧遜前代遠甚至于相業尤卑鄙矣論相首推三楊按其行事方之古人爲何如

也甲申二月自記

相○臣○者○天○子○之○下○一○人○而○已○相○臣○賢○則○可○使○天○子○之○不○賢○者○從○而○之○賢○相○臣○不○賢○則○天○子○雖○有○厲○精○圖○治○之○心○其○力○能○抑○塞○于○上○而○其○黨○援○足○盤○踞○扞○格○于○

魏叔子文集

論

卷一 相臣

一



其下且夫居官守職奉法無罪百執事之賢也天下
治安之日攝然無事恒有大難大疑出耳目智慮之
外此二三小臣所不及知知之而不敢言言之而不
能斷然行之以豫天下之患而定其變此其事不得
不責望于相臣天地之所不得爲則君爲之君之所
不得爲則其相爲之相臣上參天子之柄下可以達
百執事國家之利害苟迫于所不得已則雖逆天子
之法犯羣臣之怨冒天下之大不韙必且毅然爲之
而有所不敢避姚崇以十事要立宗僞命之議不行

魏漢子文集

論

卷一 相臣

二

而李忠定免冠求去蓋不如是則不可以爲相也昔
者漢丞相權最重當時賢人所以自效猶爲近古曹
參繼鄧侯之後國之大事不舉者不可勝數而日飲
醇無所事事此謂之庸相可也宋之名賢動稱法祖
積漸至于衰弱而莫之振安石以紛更壞天下終宋
之世不敢復言變法則因循以須亂亡而已矣孔子
曰如有周公之才之美使驕且吝其餘不足觀也已
世之有才者輒以伎求剛愎自欺此聖人所以重之
惜之妨之善全其美使天下後世誠有如周公者

皆得而見其才也。洪武中懲胡惟庸之亂遂削宰相之官然人才庸下視宋加甚李賢張居正其才足任乃又以驕吝失之嗚呼此三百年之所以無相業也。

楊一水老師曰從來名相各有一段驚天動地事業不相雷同處自舜禹至韓范之徒莫不皆然細觀古今聖賢行事方知叔子此論平實中正非好爲激昂也至其偉氣昌言尤

足相副

魏叔子文集

論

卷一 相臣

三

○○○伊尹論

嘗讀孟子湯之于伊尹學焉而後臣又言伊尹就湯而說之以伐夏救民是則伐夏皆伊尹意也竊疑其語爲過及讀商書而知伐夏之舉果出于尹之獨斷無疑也今夫人臣之放伐其天子者自古以來所未嘗有唯后羿距太康逐相爲不臣羿因民之不忍而距太康湯以救民伐桀其跡與羿無異夫以湯而行羿之事爲自古聖賢之所不爲湯雖躬聖人之德無富天下之心有危疑而不敢輒發者矣使非有任如

魏叔子文集論

卷一伊尹

四

伊尹者灼然于天命人心之故犯天下之大不韙不以芥蒂其心變易千古君臣之義而無慚于堯舜以別嫌疑定猶豫主持其內而輔翼其外亦安能斷然出此也哉蓋昔者湯嘗自言之矣曰肆台小子將天命明威不敢赦敢用玄牡敢昭告于上天神后請罪有夏聿求元聖與之戮力以與爾有衆請命昔者伊尹又嘗自言之矣曰惟尹躬暨湯咸有一德克享天心受天明命以有九有之師爰革夏正當是時湯之學而後臣與伐夏之出于尹也蓋亦明矣嘗觀古今

國家危疑之際非常之舉身當其任者既已內斷于

第五步是一篇立論本意

心則必求夫強力明決敢犯衆議者挺身以發其難

然後大事可濟未有恃一人之力以成事亦未有臨

事倉卒而能得人者霍光又霍光一事作訓與伊尹議廢昌邑王群臣驚鄂失

色莫敢發言田延年離席按劍以大義責光而脅群

臣然後議者皆叩頭聽令若延年者蓋亦光之伊尹

也光能法湯之用伊尹不能法尹以寵利居成功爲

戒至詐增僦直之罪獨忍于延年而毒后之罪不忍

于顯後世伊霍並稱而君子鄙之有以哉

魏文子文集

論

卷一

伊尹

五

弟和公曰古今大議論是獨見獨得力處具

見本領學術所在○洗發剗切老到而思力

彊烈令讀者目精驚悍不敢暫瞬

李咸齋曰只是看透一任字便發出如許劄

論後半文字與前若不相干却愈洗愈緊

○○正統論上

古今正統之論紛紜而不決其說之近是者有三歐陽修蘇軾鄭思肖是也歐陽子之說曰正統有時而絕故曰正統之序自唐虞三代歷秦漢而絕晉得之又絕隋唐得之又絕蘇氏之說曰正統之爲言猶曰有天下云爾無其實而得其名者聖人亦以名與之名輕而後實重故曰正統聽其自得者十日堯舜夏商周秦漢晉隋唐序其可得者以存歎曰魏梁後唐晉漢周鄭氏之說曰以正得國則篡之者爲逆不以魏叔子文集

論

卷一 正統上

六

正得國則奪之者爲非逆故曰正統三皇五帝三王東西蜀漢宋而已三者之說皆近于理而鄭氏爲尤正然各有其偏見不可以不辨也辨其非則是者出矣天下不能一日無君故正統有時絕而統無絕絕其統則彼天下將何屬乎而其子西晉而不與東晉等後唐後漢于朱梁石晉尤爲非是此歐陽子之蔽也偏安之主篡竊之人吾子之以正統彼正統者孰肯與之蘇氏曰猶夫大夫士與民也而或爲盜勢不得與之偕坐夫吾非有誅賞進退之權則隱忍而

借坐固其勢也。旁觀之君子則必別其爲盜而不謹之大夫士與民。且以爲舉天下而授之。魏晉漢魏之過與之統者何罪。猶身以妾爲妻而婦。奈何不以爲姑則大不然矣。生于篡君之子孫。親爲其臣子。謂之姑可也。然君子有微辭焉。春秋于桓公元年書春王正月於三年書春正月之義是也。至于後世之公論。則是人以妾爲妻而國人則妾之耳。使當時之名一定而後不可更則公議無權亂臣賊子不畏身後之誅以爲吾固可與二帝三王儼狀而並列也。孔子之

魏叔子文集論

卷一 正統上

七

春秋可無作矣。故以爲歐陽子重與之而吾輕與之者此蘇氏之蔽也。鄭氏身當宋亡發憤于心。史雖元魏之修禮樂興制度亦所不取其尊宋之極。至于黜唐夫以爲不正而得國則陳橋之變與隋禪唐何異而唐除隋暴尤正于宋之取周。故以爲三皇五帝三王漢宋者忠臣之心。義士之見。非古今之公論。此鄭氏之蔽也。然則正統之說惡乎定。魏子曰古今之統有三別。其三統而正統之說全矣。曰正統曰偏統曰竊統。正統者以聖人得天下德不及聖人而得之。不

至于甚不。正功。加天下者。亦與焉。偏統者。不能使天下歸于一統。則擇其非篡弑。居中國而疆大者。屬焉。竊統者。身弑其君。而篡其位。縱能一統乎天下。終不與之以正統。而著之曰竊統。是故因其實而歸之。以其名者。正統也。唐虞夏商周西漢東漢蜀漢東晉唐南宋是也。正統絕。而其子孫無足以繫天下之望。而後歸之。偏統後。唐後漢是也。天下之偏統。雖亂賊固已正乎其爲天子。有天下。則不得不歸之。竊統秦魏西晉宋齊梁陳隋後梁後晉後周北宋是也。吾故折

魏叔子文集

論

卷一

正統上

八

衷歐陽子正統有時絕。鄭氏篡正爲逆。奪不正。非逆之說。以明三統三統明。然後天下之統不絕。偏安之主篡弑之人。亦終不得以于正統。而正統之論定矣。

邱邦士曰。議論筆力十分強健。直開直下。不用一些波瀾頓挫。最是冰叔本色絕佳處。

宋未有曰折衷三家之說。而別爲三統義正。

例全允爲定論

王山長曰。格力在兩漢之間。

或問以東晉興復爲正統是矣元帝爲牛氏子非司馬子孫也曰秦政以呂易嬴未嘗有絕之於秦者而獨絕元於晉乎且元帝與始皇尤不同不韋初進孕婦後亂太后始終事迹鑿狀可據牛氏之通出於曖昧庸或有汚蔑以快私怨者故尋常閨門君子所不道况執此莫須有之事而絕人之宗削人之國哉是非良史之法矣自記

魏叔子文集

論

卷一 正統中

九

秦何以不爲正統也歐陽子曰諸侯共起而弱周非獨秦之暴也且夫周棄豐鎬以賜襄公赧王稽首獻邑自歸于秦秦雖有滅周之罪亦與後世之弑君篡國者異矣秦何以不爲正統也魏子曰諸侯不敢滅周而秦卒滅周周無幽厲之罪而秦有桀紂之惡取之以詐力守之以殘暴惡在其爲正統也唐高祖廢鄭鄴國公與晉武廢陳留王隋文廢介公宋太祖廢鄭王同一篡也何以不爲竊統魏子曰陳留介公鄭王初無罪不足以失天下其臣又皆以助威居中用事

爲先君所依托。一旦欺人孤寡而攘奪之。故雖晉武
隋文成混一之業。息南北之兵。宋太祖禪受之後。奉
其故君與子孫無失禮。深仁厚德。浹數百年。而其得
國之不正。終不可以費。隋之汪虐。過于桀紂。李氏興
兵而誅湯武之業也。而惜乎其立侑而禪之。以湯武
始。而以莽操終。謀之不善。非其本志。固不可以爲篡
混一之功。比晉隋而仁恩之在天下者。等宋祖。故子
之也。後唐後漢。何以不爲竊統也。朱溫滅唐而李存
勗帝鄴。契丹滅晉而劉智遠帝晉。陽。歐陽子曰。李氏
朱氏共起。窺唐而梁先得之。李氏因之者。非也。克用
忠唐志在滅梁存勗。後雖自帝始。未嘗不欲承父志
而報國仇。故欲並之于梁者。非也。歐陽子曰。劉智遠
始不與契丹戰。以幸其敗。後不能奉從益。以存晉與
梁。晉無異夫滅梁不自帝。與奉從益以存晉。此聖賢
之用心。忠臣之盛節。而可責諸五代之君乎。今夫責
人以聖賢爲忠臣。不得而遽同之于亂賊。此學者欲
苟成其說。而文致之。非天下之公論。故歐陽子之說
不可訓也。東晉統承西晉。南宋統承北宋。何以祖宗

之一統者爲竊而子孫僅有天下之半得爲正也曰
晉宋之君天下天下奉爲共主久矣雖其始不正前
後相承而元帝高宗當滅亡之餘有特起之勢又以
子孫復其祖業義不得不進之于正統楚子僭王滅
諸姬罪在不赦至昭王失國而復之則聖人有取焉
歐陽子之黜東晉亦不可訓也且夫義得爲正統者
其子孫雖甚微弱不可不存以爲正故三十六邑一
日未獻不可不書周禪宋之筆一日未操不可不書
晉崖山之舟一日未覆不可不書宋奈何旣以正統
魏叔子文集論卷一正統中十一

子西晉而其子孫尚有天下之半者乃以偏安斥乎
革姓受命之事非天心所欲勢也君子必不得已而
後絕其統所以不傷忠臣孝子之心仁人之志也吾
故曰正統絕而後歸之偏統偏統絕而後歸之竊統
也。

門人涂尚崑曰正統之義古今實如聚訟章
氏王統霸統之分似矣然子正統者未必可
進于王非正統者弊又不止于霸蘇氏雖辨
其非而無以服之也吾師立三統之說而萬

世之論定矣篇中疏別疑義足令觀者曉然
至于退晉宋而進元高尤深得春秋之旨非
尋常考古論世之文也

魏叔子文集

論

卷一

正統中

十一

世之論定矣篇中疏別疑義足令觀者曉然

至于退晉宋而進元高尤深得春秋之旨非

尋常考古論世之文也

○○正統論下

所謂括其大畧者如載秦始皇阿房宮事則
云始皇以先王宮庭小乃營作阿房宮渭南
上林苑中廣袤三百餘里殿閣臺榭窮極奢
麗役作數十萬人死者亡算如載宋子業齊
東昏殺人事則云以非刑殺人亡算慘毒所
施求死不得如載隋煬帝荒淫諸事則每一
事書曰某事費財幾何殺人幾何民失業幾
何激變幾何不妨極言其甚而規制節目可

魏叔子

文集

論

卷一

正統下

十三

以娛心志爲做法者則沒而不書齊主高緯
問南陽王綽曰在州何以爲樂綽以薑盆對
緯卽日命捕蟲蝎殺人以取歡笑曰如此樂
事何不馳驛奏聞夫哀號慘痛有何可娛而
命爲樂事然緯性雖兇惡使不聞綽言則薑
盆一事亦亡由作後世暴君豈無見此等于
史冊而欲做行者至淫樂奢侈之具則中主
亦不免見獵心喜矣自識

魏子曰吾子竊統其書法猶有說焉鄭氏之言曰史

篡弑之君所稱某祖某帝及朕詔封禪郊祀太子后
諸禮宜書曰某名僭行某事魏子曰讀史者其知懼
乎然是道也施于始篡之君其子孫則不加焉夫身
篡弑者雖爲天下君終不貲其實罪而子之美名子
孫襲成業而安不可以重誅也故篡國子孫其臣有
能服義死節者則君子必以爲忠是故貶削其身所
以正古今之名寬其子孫所以存天下之實名實得
而史法立矣晟云以下卑論書法與正統無涉文極
信務博則不諱不經之言徵信則盡當時之實事故

魏叔子文集 論

卷一 正統下

十四

凡人君之奢淫殘暴必詳書于冊爲後世鑒而不知
夫不肖者之見而適中其欲也則且或倣而行之詩
曰毋劓孫升木楊子曰勸百而懲一而獨何取焉昔
唐太宗元夜大張燈火以問隋蕭后曰煬帝時亦如
此乎蕭后盛述當時華侈百倍太宗太宗蓋口刺其
奢而心服其盛也夫心服其盛雖賢君猶不免是而
况于不肖者乎吾則以爲史凡宮室田獵聲色奇技
淫巧并刑酷殺之事記載詳悉者盡刪除其文而括
其大畧足知致亂之故而已至于生民愁苦怨詛天

災人禍盜賊危亡之狀則極書之以顯示于冊使後
之人主荒淫可喜之形慘毒快意之具無所接于其
目而愀然生其危懼宋真宗時陳恕久領三司嘗命
條具中外錢谷以聞恕久不進屢詔趣之恕對曰陛
下富于春秋若知府庫充實恐生侈心是以不敢李
沉爲相日取四方水旱盜賊奏之以爲人主少年當
使知四方艱難不厭血氣方剛不留意于聲色犬馬
則土木甲兵禱祀之事作矣古之大臣防微杜漸以
謹人主之耳目而絕其萌孽道蓋如此余于司馬氏
過鑑常欲以竊統之法改書之刪除其文足眩世主
之心者有志而未逮也夫正統定書法明史其幾于
道矣

魏叔子文集

論

卷一 正統下

七五

門人楊復晟曰上篇統引三家之說而辨蘇
氏處最詳中篇單辨歐陽之說下篇又以餘
意發明鄭氏之說分合詳畧之法井井可觀
門人涂尚律曰或云纂君書法不同考于春
秋桓宣無異辭則鄭氏非通論也不知孔聖
親爲桓宣臣子魯之敗執且諱况斥其大惡

乎且春秋之法貴通其意聖人于定哀多微辭而後世史官貴直筆魏孝文曰人主威權在已無能制者若史冊不復書其惡何所畏忌况以異代而書前君豈得執諱國惡之義以相非乎獨如宋太祖者其得國雖不得不以篡書而深仁厚德實爲後世賢主郊祀詔勅之類亦豈得同于王莽朱溫議功議賢春秋之法如趙盾雖冒弑君聖人必不夷之華督慶父之列明矣要之三統言其大綱至于篡而不弑與篡而弑者救其敗而篡與毀其成而篡者情罪互有輕重此又作史者所當通其義例也

○○○留侯論

忠臣以興復爲急。雖殺身殲民而無悔。仁人
以救民爲重。故通權達節以擇主。子房始終
之節。皎然明白。忠臣仁人兼而有之。奈何後
世獨以智謀見推也。古今草昧之際。奇才志
士得一失一。自非根本忠孝之性。達于天地
之心。其能爲三代以下之完人乎。因作此論
而附識之。癸卯自記。

客問魏子曰。或曰子房弟死不葬。以求報韓。旣擊始

魏叔子文集

論

卷一 留侯

七

皇博浪沙中。終輔漢滅秦。似矣。韓王成旣殺酈生。說
漢立六國。後而子房沮之。何也。故以爲子房忠韓者
非也。魏子曰。噫。是烏足知子房哉。人有力能爲人報
父讎者。其子父事之。而助之以滅其讎。豈得爲非孝
子哉。子房知韓不能以必興也。則報韓之讎而已矣。
天下之能報韓讎者。莫如漢。漢旣滅秦而羽殺韓王。
是子房之讎。昔在秦而今又在楚也。六國立則漢不
興。漢不興則楚不滅。楚不滅則六國終滅于楚。夫立
六國損于漢。無益于韓。不立六國則漢可興。楚可滅。

弱可入

斷制處不

過數言而

當日天下

情勢決於
指掌

古今達觀
一部廿一
史如此看
另有用

如此義始
可讀孔子

之春秋不
死丁康侯
之章句

而韓之辭以報故子房之志決矣子房之說項梁立
橫陽君也意固亦欲得韓之主而事之然韓卒以夷

滅韓之為國與漢之為天下子房辨之明矣范增以

沛公有天子氣勸羽急擊之非不忠于所事而人或

笑以為愚且夫天下公器非一人一姓之私也天為

民而立君故能救生民于水火則天以為子而天下

戴之以為父子房欲遂其報韓之志而得能定天下

禍亂之君故漢必不可不輔夫孟子學孔子者也

孔子尊周而孟子游說列國惓惓於齊梁之君教之

魏叔子文集 論 卷一 留侯 七

以王夫孟子豈不欲周之子孫王天下而朝諸侯周

卒不能而天下之生民不可以不救天生子房以為

天下也顧欲責子房以匹夫之諒為范增之所為乎

亦已過矣

邱邦士曰本欲發留侯當輔漢須將輔漢與

報韓說得關係則輔漢一段大議可儘意放

論矣此文字中關鍵處

彭躬庵曰不守節決不能達節不達節亦不

能守節此間有毫釐千里之異非印板天理

模稜人情者可得借口

溫伯芳曰爲韓報讎史記四字寫得子房心事明白原非爲必立韓後也其勸立韓王成者亦事項時事耳則知子房待漢之心不等

于待項之心矣其文尤似子由古史論

陳元季曰深識偉論關係古今大義大計非獨留侯知已也議論高出子瞻而筆力正足相敵

魏叔子文集

論

卷一

留侯

八

○○○陳勝論

古今發天下之大難成天下之大功者必有人爲之
謀主謀主立而羣才有所憑轅而進自商周之初下
至秦漢之際五胡十國分崩割據莫不皆然陳勝起
成卒首發大難除秦之暴其功當王天下然不久敗
亾者恃甲兵之衆攻城畧地之易不知求賢以自輔
而無謀主故也天下無時不生才世亂才益多然用
之各有其時所宜司馬德操曰儒生俗吏不識時務
吾嘗以爲豪傑犯難特起與人臣當國家之變轉敗
而爲功其人才不足用者蓋數輩文章名譽之人浮
言無實肉食之家科名之士多鄙夫遺老舊臣守常
理拘常格而不知變高節篤行者堅僻迂疎遺忽世
務不切于用故草創顛危之際率多右戰功尊武臣
且夫攻城畧地以取天下此固兵強馬壯者之事然
天下之勢攻取有先後激勸名義有機立國之遠且
大者有規模求賢有道而得民心有術此則非武臣
之所能及也唯明主知其然故封賞必先武臣而後
謀大計則必求天下之俊傑以爲謀主辟猶運車者

魏叔子文集

論

卷一

陳勝一

九

本欲抑揚
武臣却先
將數輩揚
却方是極
公平的確
之論使人
心服

之必衷其軸而使舟者把其杙杙定則帆檣篙師櫓工各奏其能軸堅則三十六幅皆附是故謀主立而羣才轉者自然之勢也勝反其道而何以成功或謂天道後起者勝涉首難故無成按二世元年七月陳勝吳廣起兵于蕲九月劉邦起兵於沛項梁起兵于吳秦積暴一世尤甚起兵誅之非無故發難以毒天下者比而劉項之起相後僅二月其去首難者幾何當是時沛公最得士故終有天下項氏得一范增不能盡其用故幾成而敗其他田氏韓氏趙氏之屬皆

魏叔子文集

論

卷一 陳勝二

又五

無豪傑爲之謀主旋起旋滅或終爲臣虜固不足怪勝所始造謀者獨特一吳廣而廣小器鄙夫未幾叛勝孔鮒張耳中材之士勝得之謀且不能用此勝之所以不成者嗚呼可鑒也

門人王宏極曰格力勁拔而極馳驟頓挫之妙

門人梁份曰是往古來今英雄堅子所以成敗大

嗚呼大龜鑑無踰于此不差毫髮非徒文字工也

〇〇〇 鼂錯論

漢景帝時諸侯王國疆大御史大夫鼂錯與之會吳王濞欲作亂錯請削諸王地曰削之反亦反削之反速禍小不削反遲禍大于是楚王戊以私姦服舍議誅之而削東海郡膠西王卬以賣爵削六縣趙王辟彊以前罪削常山郡及削吳豫章會稽濞遂舉兵反以誅錯為名而連六國攻漢天下騷動錯亦以此誅死蘇氏曰七國之難錯蓋能發之而不能收之夫錯欲使已居守而天子自將此袁盎之讒所以得

魏叔子文集

論

卷一

鼂錯

下

行也魏子曰錯豈獨不能收哉其發之蓋已亡術矣錯縱自將未必能有功亞如卽錯有功而無故發天下之難亦不可謂無罪夫錯削七國是矣其所以削之術則非也昔者禹治水以為天下之水莫悍于河

自洛濟華陰而上有高山巨壑為之防故雖鑿龍門

水

彭、卷、云、行、以、治、可、為、喻、也、勝、于、

以通之而不憂其潰決俛陸以下地愈平而水愈盛

則不得不播為九河以殺其勢何者力合則難禦勢

分則易制也是故離其交而乘其做緩其謀而分其力矣之并六國漢之蹙楚莫不由此未聞有欲謀其

人願先聲以動之而敵之以合其黨者也然則錯用要之論須見到此可謂之誠時務賈誼衆建諸侯之策若主父偃者其可乎曰七國疆

屬多尊親雖建此策不行且其勢亦有所不及也吾謂當漢景之初惟吳逆形頗著其餘諸王初未嘗有叛志爲錯計者當使帝寬以全諸王而密以謀吳膠

西楚趙之奸悉置不問重禮以尊顯其賢者而厚賞賜以撫其餘重書勞問不絕于途使天下瞭然見天子親親之仁其邊吳要害之地擇將練兵貽爲之備以扼其變而時以吳王過失爲家人言布于列國如

魏叔子文集

論

卷一

鼂錯

五

是吳終不悛則誦言其罪明天子所以曲赦吳者宜示兵威以告諸王使天下盡知漢直吳曲則吳必孤立而無與然後以大軍臨其地赦其國內臣民將士之脅從者夫必有縛漚而至矣當此之時除漚之國而以小邑侯漚之子于是下詔諸王曰漚親爲高帝兄子危亂宗國自取滅亡朕甚哀之朕念諸王秉德懷義爲國藩屏得毋爲他日子孫計乎夫地大兵彊則易生亂生亂則必如漚而滅其宗諸侯王其各推封子弟使子弟人有分土毋或爲非是諸王永保祿

祚與國無疆也夫聳以滅吳之威而開以世享之利
諸侯王欣然樂從此不待再計而決者矣錯不知出
此而亂國亡身爲天下笑遂使後世忠臣義士欲挺
身爲國家犯大難者皆以錯爲戒豈不悲乎建文初
齊泰黃子澄謀削諸王一月之間湘齊岷代相繼死
廢又未逾月而逮燕官屬致激其變然執議之臣卒
未聞有一人身當其衝以謝首難之禍者夫七國起
而錯欲以徐僮之旁予吳燕師至龍江謀國者以割
地講和爲請誤國愛身何其前後如出一轍也泰奔
輦而今皆棄我去也此則錯之罪人已矣

魏叔子文集

論

卷一

鼂錯

三

揭子宣曰七國之削人知罪錯而不知不削
反遲禍大一語自是確見削不削之間古今
未有定論使後人更當此事茫無主持卽謀

吳而寬諸王或有見及者安得如此次第周
到着着不差余謂此文雖論七國一事然凡

所以定天下之變者已十得七八萬世之凜
盡縛于此矣後之爲錯者讀之則知所以制

鼻爲鼻者讀之亦終無他策可以自免可增
君子之智而不至長小人之奸真千古大文
章也

門人涂尚崧曰爲景帝謀畫處似以權術籠
絡諸王然其作用着着皆本于仁厚之心如
禮賢者厚賞賜時勞問無論矣於吳王過失
爲家人言不峻而加兵非驅而納之陷阱也
曰親爲高帝兄子以小邑侯鼻之子及推封
子弟永保祿祚諸語哀痛惻怛之意溢于言
表可見定天下之變固貴才足勝人尤貴其
心足信服于天下然後大難除而國之元氣
不傷人心益以固結萬世之鼻盡縛于此不
誠然哉

兄善伯曰予嘗謂陳平六出奇計全不見奇
友人曰如醫用藥藥本無奇只對證恰好一
劑霍然人便訝爲神效世變雖有千頭萬緒
其頭緒中間空處必有一恰好翁貼者人言
苦無本心次苦無識次苦不耐煩遂將翁貼

處處得紛亂此文千委萬曲不過尋其恰好
處合縫而已庖丁曰批郤導窾陸象先曰天
下本無事庸人自擾之識得此意無事無文
不增其至也
邱邦士曰其文可謂好盡須看其精神力量
不見竭盡態處


魏叔子文

采論

朱

一
昆錯

古



不本無事庸人自擾之識得此意無事無文
處合縫而已庖丁曰批郤導窾陸象先曰天
下本無事庸人自擾之識得此意無事無文
不見竭盡態處

○○○雋不疑論

古之能斷大事者其持理必正大明切足以服天下之心故衆議有所不能奪然倉卒之間衆人之疑未

有破竹之勢

第云開口掣大憲

易以正言格者往往別持一說以勝之雖不必其言之確而衆議無所伸其惑不辨而自解國家之禍遂以潛消默禦而不作後之論者無執辭以害其意又或見其事之濟而不知其詭之非抑知其非而不知其非而有所甚是者蓋不在區區之間也吾讀雋不疑收縛衛太子事而有以知之昔者漢昭之世有自

魏叔子文集

論

卷一雋不疑

五

稱衛太子詣北闕者詔公卿將軍雜視丞相以下並莫敢發言時不疑爲京兆尹後到獨叱從吏收縛衆以是非未可知爲疑不疑曰諸君何患衛太子昔蒯贖違命出奔輒拒不納春秋是之衛太子得罪先帝亡不卽死今來自詣此罪人也遂送詔獄于是天子與大將軍皆嘉嘆不疑以爲公卿大臣當用有經術明于大誼者當衛太子之以讒賊得罪也天下莫不寃其後令狐茂上書武帝感悟不幸太子自經死猶封、蹋、戶、及、抱、解、太、子、者、爲、列、侯、田、子、秋、上、急、變、帝、又

作思子宮爲歸來望思之臺于湖帝心之悔恨亦既甚矣使此時武帝尚在衛太子夫死帝卽不更立必且王以大國父子之情益篤他時而顧謂得罪先帝爲罪人至今詔獄嗚呼不疑苟病風喪心之人則可否則天下悲其寃于當時而不疑文致其罪于事久論定之日武帝身親悔恨不疑乃誣先帝于既死而因縛當日之儲君是蘇文江充之所爲也而不疑亦爲之乎且其經術則又謬甚祭仲逐君爲行權輒義可以拒蒯瞶此公羊氏之邪說也晉申生自殺陷父

魏叔子文集

論

卷一 雋不疑

三

于過君子以爲仁之賊而正名求仁諸說見于論語顧信公羊之邪說而沒聖人之正論此不通之尤者而謂其可以折衆人之疑無是理也然則不疑何以若是曰太子之死不疑知之審矣張富昌李壽之封

事甚顯著非有幾微不足明也然使不疑明言其僞則必有人言其真者謂其已死則必有以爲有托而然若公孫杵臼趙武之事者當是時吏民觀者數萬右將軍勒兵闕下備非常可謂主少國疑震驚危難之會矣朝議紛紜不決日復一日奸雄生心黠者志

取富貴愚者惑于耳聞雄俊之徒相義于外朝臣若
上官桀輩陰伺于內因以煽動天下悲思太子之心
則漢之天下可以立危唯以衛太子得罪先帝爲有
罪則真僞可以不辨而漢人篤信公羊引經以斷亦
無復知其非者故衆議可以一言而決甚矣不疑之
能困也今夫解紛亂者不控拳然用有所急則亂絲
有時而可斬何者優游以解其紛此可以禦平而不
可以應卒者也龔遂曰治亂民如治亂繩不可急也
唯緩之然後可治高洋曰亂者必斬嗚呼得二說者
魏叔子文集 論 卷一 雋不疑 三

而用之經權之際思過半矣

翁和公曰借雋不疑事發出自己本領學術

開千古濟變行權妙用然其駁不疑處確乎

語語懷謬推挾不疑處確乎步步合機真有

識有用文章也○漢人篤信公羊故不疑引

經益見其理之確然公羊紕謬人所易明若

非篤信時則引此等語反足招人辨駁而事

誤矣蓋得罪先帝之說本可以聳動當時不

必更添蛇足也故讀書論世最爲要緊

李咸齋曰引經斷獄是當時習氣太甲與昌
臣其情事本不同田延年却援放以行廢亦
是此類

彭躬庵曰先儘廷臣雜視到許時已下場不
得故不疑後至便能一語斬盡無數葛藤只
是一機字用到恰好停當處耳使不疑再爲
之便已不能矣文氣徧真蘇明允其刺入數
層空曲發揮明允似不能到

魏叔子文集

論

卷一

傳不疑

卷一

○○漢中王稱帝論

魏子讀蜀志至司馬費詩諫漢中王稱尊號嘆曰王不悅左遷詩官過矣然詩之言則非也及讀五代史吳蜀及諸藩鎮勸晉王存勗稱帝宦者張承業聞之自晉陽亟詣魏州諫曰吾王世世忠於唐室今河北甫定朱氏尙存而王遽卽大位非從來征伐之意天下其誰不解體王何不先滅朱氏復列聖之濼譬然後求唐後而立之南取吳西取蜀此時雖使高祖太宗復生誰敢居王上者讓之愈久則得之愈堅老奴魏叔子文集論卷一漢中一三六

受先王大恩故欲爲王立萬年之基耳魏子曰承業是也雖聖人之言何以易此門人進曰若是者何也魏子曰承業之言所以責異姓之臣詩之言非所以論宗子以異姓之義而責宗子此詩之所以不知權也詩不知權則遂失其經矣詩之言曰殿下以曹操父子偏主篡位故乃羈旅萬里糾合大衆將以討賊今大敵未克而先自立恐人心疑惑昔高祖與楚約先破秦者王之及屠咸陽獲子嬰猶懷推讓今殿下未出門庭便欲自立耶且夫獻帝廢曹丕自立其時

諸劉無有存者。漢中王爲宗子。非高祖在秦時比異姓之起。功德不盛。而急於稱尊。未有能成大事者。苟爲宗子。則一成一旅。可建號以收天下之心。宋之末造。奔迫至於崖山。一舟之內。可以立天子。建宰相。無復有非之者。蓋爲祖宗。延一日之統。猶愈於其遽絕也。漢中王稱號於魏。黃初之二年。四月卒。於四年四月爲帝。纔二年。而子禪立。立四十有一年。始滅于魏。當時蜀之不能克魏。甚明。使漢中王從詩言。不建帝號。未幾身死。諸葛亮欲帝禪得乎。如此。則高祖光武之統。已絕於黃初之二年後。雖有執義之士。欲以正統歸漢。而無由得。是故漢祚所以少延。漢中王急於稱帝之爲之也。人孰不樂其主爲天子。主爲天子。則吾爵亦因而加貴。詩顧以爲嫌。此拂士之論。正直之臣。雖其言不用。而其人可褒。而王不悅。故曰過也。門人曰。承業之論是矣。曰讓之愈久。則得之愈堅。其將教晉王以禪讓之事。爲曹丕司馬炎之所爲乎。魏子曰。凡進說于中才之主。規於義而不能遽絕之于利。承業以爲戮力討賊。必立唐後而已。無覬覦之心。此

非。晉。王。所。能。也。吾。姑。以。後。利。歆。之。而。以。義。勸。於。先。使。
之。求。唐。之。後。求。而。不。得。得。其。人。而。不。足。爲。帝。王。則。雖。
自。爲。可。也。然。而。賊。則。必。已。滅。矣。晉。王。之。失。在。賊。溫。未。
滅。而。遽。卽。大。位。故。也。

閔無作曰提張承業較論識論老到真足爲萬世
取法末幅洗發尤人所不能到

附錄門人王愈融書後

人臣進諫於君其言有衷於理而不中事機者後
世相緣其說而不知其非其君聽之則害天下之
大計不聽則戮辱其身故君子必深辨其是非而
不使疑似之說得以誤後之人晉史載愍帝凶問

魏叔子文集論

卷一 漢中三

元

至建康群臣爭勸進周嵩上疏曰古王者義全而
後取讓成而後得今梓宮未返舊京未清宜先雪
社稷大耻副四海之望則神器安適由是降嵩出
爲新安太守又坐怨望抵罪夫嵩之求利國家豈
後紀婚諸人然而以爲不可者則費詩之說誤之
也嵩身被遣責必且堅持其說之有本以至於怨
望嗚呼不有先生之論天下後世其何以決大疑
斷大事融故嘗以爲漢中王靈武諸論君子尤不
可不讀者此也嵩之論與詩同而晉王子嵩視漢
中王則又甚夫漢中王未嘗屢懷退讓也晉王之
讓至呼私奴命駕歸瑯琊又使殿中將軍韞績
徹去御座而嵩以一言得罪如此亦何爲哉

○ ○ 阮籍論

吾讀晉書至阮籍所以居母喪未嘗不歎人性之善于此益無疑也。方籍聞母死固留客決賭飲二斗酒而後臨喪此其悖理滅情有甚于犬豕之無人性者然觀籍嘔血骨立及沈醉六十日却司馬氏婚則未嘗不明于大義迺其始顧出此何哉蓋自何晏王衍以來習爲放誕以矯情立異爲賢籍意以謂聞喪而輟局奔赴則與常人之居喪無異于是堅忍抑折自滅其天性以求異于人然頃之嘔血骨立則籍亦不得而自主之吾故嘗曰籍之求決賭飲酒者僞也今夫水性決而善下堤堰以障之可使涇潏畜逆而不洩及夫鬱極而發則橫潰四出決堤防壞廬舍殺人民牛馬而不可制是故有哀而泣有喜而笑者人之性也謝安得捷書漠然置碁局下頃之而屐齒折矣夫安始不置書局下則其後未必有屐齒之折籍不決賭飲二斗酒則其後未必必嘔血骨立何者性鬱極而發則其哀樂橫決必百十倍于常情者勢固然也嗚呼習重而不返以僞爲真咸重服追始婢鬻騎而

還則人^(性)幾乎滅矣人慎毋自怙甘習以戕賊其性
使至于滅哉

閔賓連曰以決賭飲酒爲僞真老吏斷獄其
刻誚籍處正是曲愛籍處筆力堅渾恣悍人
不易判

泥叔子文集

論

卷一 阮籍

三



泥叔子文集
卷一 阮籍
三

國書之役高允既免罪出語人曰吾不敢愛死者恐

負翟黑子故也魏子掩卷而歎曰甚矣允之言欺我

哉允忠誠正直口無所擇言身無所擇行雖欲翟黑

子必不愛死以欺君然允必為此言者至高之行人

所樂居而允顧退然自托於小善此古人所為不可

及也期三忽新或饋楊震金曰暮夜無人知者震曰天知神知

子知我知何謂無知宣德中周忱薦龔翊為太倉學

官翊辭不就語人曰我仕無害於義但恐負金川門

魏叔子文集論

卷一 高允

三十一

一慟耳夫廉吏惡不義之財雖使天地間無復有鬼

神震必不受金忠臣疾不義之祿雖金川門不痛哭

翊必不仕且夫翊一門卒耳非有知己之恩國事之

責也既已更歷三朝身逢賢聖之士矣而介然不肯

少污其志可不謂大賢矣哉魏子曰吾於允得保身

焉中牟既定趙簡子義田基而賞之基曰一人舉而

萬夫俛首智者不為我受賞使中牟之士懷恥不義

書曰滿招損謙受益易曰君子以儉德辟難有以夫

彭躬庵曰絕頂眼力絕頂學問豈直三公知

○唐太宗平內難論

門人王愈融論曰秦王以不得已殺兄弟然其罪在高祖初欲立為太子而固辭後遣居洛陽又涕泣辭慕孝友之虛名而成兄弟推刃之實禍夫秦王豈嘗一日忘為太子哉是以偽而成其忍者秦王也魏子曰近之矣夫秦王不可以罪名秦王之不能為子魚子臧固也子魚子臧賢而無大功於國一。審。破。的。不可與秦王比高祖義當立秦王秦王義當受然辭且至再者非偽也高祖方起兵晉陽及為唐王當是時

魏叔子文集

論

卷一

平內一

又三

兄弟未有嫌隙秦王功未高高祖特因將佐之請而建成一。審。破。的。未相推讓立宗之平內難也宋王成器讓之固確。証。故睿宗立之而立宗不辭兄不讓而已乘機以攘其位可乎秦王之心以為天下既定兄弟相安吾為王最。分。十。可已豈意其必殺己哉建成以善蹶馬殺秦王又夜召飲而酖之兄弟日夜譖於上數得罪股肱羽翼分散殆盡禍機之來迫於呼吸而秦王拒僚屬之請者方五六不止李靖李世勣辭不從秦王由是重二人然則秦王無奪嫡殺兄弟之志也審矣楊文

已正復精義入神○筆力挺變尺幅中有龍蛇不可控攬

汪魏美曰通篇賓主錯綜最妙中抽龔翊覆說一段文格天矯搖曳唱嘆不盡而作者命意深遠自然會心處又出文字之外矣

諸子世傑曰叔父嘗舉示孟子禹稷當平世章爲絕竒文字雙峯突起復以譬喻雙收不找一語正意而已饑已溺單論禹稷一段尤是格力最佳處此文似從此章脫胎

魏叔子文集

論

卷一

高允

三

日正於中
彼不可
...

日正於中
筆代珠

幹之叛高祖遣秦王討之曰還立汝爲太子封建成
爲蜀王一。語。破。的。秦王未更辭也 元吉妃嬪封德彝爲

之營解高祖意變而建成還守京師 觀秦王不更

辭則知其前此之辭者非僞也秦王未嘗不欲爲太

子而以爲各義有所不可也安引。古。語。起。終。際。方。諸葛公曰申生在內而

危情。法。重耳在外而安還居洛陽 說 爲近理夫涕泣

不欲遠離膝下者人子之情也雖命之豈有欣然遽

往哉然將行而建成元吉密令數人上封事禍意遂

移是固不可以咎秦王者且秦王必不可居洛陽

魏叔子文集 論 卷一 平內二 三

何則重耳當列國時越境則獻公之威令不行而重

耳可生今四海一家他日得罪其可逃諸突厥吐番

乎建成元吉內結姬嬪外結德彝是驪姬二五之讒

已浚也秦王雖在左右而高祖猜疑日甚一旦遠

去不軌之譖何所不至或如申生之被誣以死或如

楊廣矯詔而殺太子勇召漢王諒夫秦王不能爲申

生之自縊則必爲展太子之稱兵身據洛陽以叛而

父子相戰其可以爲人乎且以社稷君父之故在秦

王亦不可輕去左右蓋建成元吉淫逆不道之迹甚

著萬一高祖悟而斥之。欲更召秦王。事急計生。內有徐師暮爲之謀。主外有揚文幹之屬爲之爪牙。則揚廣之禍可以立成。吾故曰夫秦王不可以罪名也。殺建成元吉諸子。則怨納元吉妻於後宮。則悖也。

伯常。時二事作。既元不用博折。

王竹亭曰據史立論辨駁詳確但當時史官不無傳會未可盡信蓋太宗一生好名所以不遽圖兄弟者其罪惡不稔著則殺之有害於名豈真肯以藩王自安哉觀召玄齡無忌不至幾欲斷其首則史所言靖世勳不從秦王由是重二人者其爲緣飾可知此文洛陽一段漢中事機可爲後人處變模本

魏叔子文集

論

卷一 平內三

又三

太宗好名史官傳會皆誠有之特不可論於此事耳如納元吉妃至欲立爲后害名孰大於是當諱孰過於是而太宗爲之不顧史官書之無諱獨諱其欲殺凶劣之建成元吉乎又史官欲緣飾秦王重靖世勳語則何不緣飾斷玄齡無忌之首語爲更切要乎不諱斷首語而顧僞爲重二人以解是挫雀之股而更調之也故知平內難一事皆直書

始末美惡互見爲可信也然則重靖世勩之辭又
怒玄齡無忌之不至何居蓋訪靖世勩尚在猶豫
之時而怒玄齡無忌在已決計之日且一則面相
可否一則召而不至其情亦不同也誌此以質同
學 自記

○○續縱囚論

或曰古之縱死囚而來歸者多矣。是小人之尤。或能為君子所難。而一日之恩。其感人也。亦有時過于五六年之德。奈何以是定太宗哉。魏子曰。歐陽子以縱囚定太宗之好名。吾則以好名定太宗之縱囚。何以知之。曰。吾以太宗知之。太宗生平勇於好名。而過其情實。嘗觀其折群臣封禪之請。雖聖人之言。不過是及魏徵以為不可。則盛氣驕倅。擗擗然而不能自忍。非初是而終變也。彼其心以為群臣請之。而吾辭之。吾

兄云群臣之請也十

魏叔子文集論

卷一續縱囚一

又三

以謂諫故赦
辭而愈請
魏徵正言
確諫無可
拒飾故危
變成怒

久矣。太宗自侈功德。每欲駕三代而上。彼成康號稱刑措。漢文帝斷獄三百。初未嘗有縱囚而自歸死之名之。于德為盛也。是以斷然為之上。逆其必來而縱而下。亦逆其必赦而來。不然。太宗之德不如是盛也。三百罪人之多。而無一後期者。不如是之齊也。且吾嘗為大宗計。人之入于死罪。桀黠者半焉。凶愚者亦半焉。囚有不能逆知太宗之心。畏死而不歸者。其將

置之乎抑勒有司捕家屬勒其鄉里親戚以要于必
得乎勒而捕之則擾民之害甚于逮殺囚置之則壞
法太宗其何以自解也漢虞延晉謝方明之徒皆嘗
縱死囚刻期自至無有逃者此固盛德之事不可與
太宗比然世之爲政舍聖人不易之常法而矯情好
奇以徼倖一時之名往往求榮而反辱擾無事而多
事嗚呼吾未見其利也

兄善伯曰以縱囚定太宗之好名不若以好

名定太宗之縱囚爲更明確而議論刻入淺

出文字沈摯悠揚殆參六一明允之勝

弟和公曰古人縱囚自歸殊非好名故知歐

公小人之尤一日之恩等語不足以折服太

宗得此文而後無遺議矣愚意當時稍有不

至者太宗亦姑混然置之囚亦未必盡探太

宗必赦之情而復來或各處有司有以牽引

根據使其必來以成太宗之名未可知也然

三百人必有逃逸者

○○唐肅宗靈武卽位論

靈武卽位之役范祖禹氏以爲以子叛父王生愈融
駁之曰馬嵬之留明皇宣旨欲傳位太子安得謂無
父命且明皇之不能興復蜀僻遠非興復地甚明而
太子不正位號不足號召天下之豪傑唐史曰顏真
卿頒詔江淮河南北由是諸道知上卽位靈武殉國
之心益堅觀此則太子義當正位何疑乎魏子曰是
役也當論其事與勢不必以父命論如必父命然後
可則宣旨欲傳位者欲之云爾非實有傳位之詔也

魏文子文集

論

卷一

靈武一

又四

明皇至普安制以太子亨充天下兵馬元帥與諸王
同領各道節度都使及靈武使者至蜀上皇喜曰吾
兒順天應人吾復何憂乃制自今改制敕爲誥表疏
稱太上皇然則使者一日未至明皇何嘗一日以太
子爲天子哉太子遽徇群臣之請此因亂篡國范氏
叛父之說所由來而特不能淡窮其說耳且子以爲
不卽位則無以號召天下史稱諸道知上卽位徇國
之心益堅蓋非謂爲太子則徇國不堅必卽位而後
堅也當時天子倉卒遠奔太子諸二並莫知所在天

下無主義士雖有殉國之心而無所屬至是乃知太子實在朔方雖不卽位諸道必踴躍以戴太子唐之不造僖宗亦嘗幸蜀矣未敢擁立襄王焜雖無太子之號召李克用猶倡義帥諸道以討之天子實蜀而太子興復北方其誰敢不受命况以郭李諸忠臣之爲將者乎愈融不能對已而謂曰然則靈武卽位非歟魏子曰何爲其非也論理者必深窮其是非之盡論事者必深窮其利害之盡今夫肅宗以太子號召勢固無所不可然天下將師必心懷疑貳而不

魏叔子文集

論

卷一

靈武三

三五

肯盡死力以效其上蓋當日迫於忠義唯郭李二顏張許之屬其他率思取富貴傳子孫以自利者也即○引○唐○非○爲○証者太宗率其謀臣勇士爲高祖取天下既定高

祖爲天子未嘗不重太宗之功其後入諸子諸妃之

讒太宗幾危而秦府文武重臣皆不免得罪劉文靜

首唱大謀其死也雖太宗力救不能得使是時高祖

爲太上皇太宗爲天子則豈有此宋宣和末金人逼

京師徽宗將出走欲命太子監國李忠定公綱曰今

日之事不正位號無以鎮壓人心監國不足用也明

皇崇任小人窮聲色奢侈之欲毒亂天下與徽宗畧
同向使肅宗以太子收兩京而明皇爲天子天子毫
荒小人因緣用事必又將置其所愛而除其所憎建
功之臣廩乎有首領不保之懼且夫高祖已事諸將
夫誰不知者而謂其肯安心竭力致死以圖恢復乎
吾觀明皇既歸以六等定從賊諸臣罪肅宗欲免張
均張珀死叩頭流涕爲請上皇不可卒流珀嶺表而
殺均夫誅均於法誠當然肅宗之心豈不甚欲其生
哉上皇如是爲天子抑可知故曰不卽位則將帥心
懷疑貳恢復之功不成故雖明皇無傳位之旨而肅
宗立焉可也功成而退居東宮可也父不許尊爲太
上皇而已盡孝養可也天子之論亦所謂不能溪窮
其說之也

魏叔子文集論

卷一

靈武三

五十五

門人鮑夔生日前段論不當卽位正大詳盡後段
論當卽位澁切曲當皆妙有根據理勢確然可爲
後世立法而後段尤人所難見到

○○劉知遠論

劉知遠既帝改國號曰漢仍稱天福曰余未忍忘晉也或曰愍矣乎魏子曰惡寒者裹裘惡熱者表絺綌愛其子者必食之天福之稱以爲名焉耳矣知遠不諫晉主伐契丹契丹伐晉知遠不出師知遠未嘗有毛髮之功於晉及其滅也未嘗求石氏子孫而立之徒稱其紀年之號是亦綺素發喪之名耳漢高帝親率諸侯滅楚爲義帝報讐曰愍可也且使知遠稱晉則石氏子孫皆是也不曰晉曰天福則天福之亾於魏叔子文集 論 卷一 知遠一 三十六

契丹久矣安得復有天福者而君之然則附潛書義熙并與孟子曰士之尊賢者也非王公之尊賢也爲潛則名存而實存爲知遠則名存而實亾也諸子世倣曰循名責實此春秋之義也知遠不妨爲法受過而文字韻折波峭屢味不窮

○○宋論上

天下之亂不亂于既亂而亂于既治國家之禍不禍于小人而禍于君子既亂之日與小人之禍人國家此不待智者而後見也而既治之亂君子之禍則謹守繩墨之士恒有所不及知知之而不敢斷然出其言以正告于天下吾嘗觀北宋之禍其罪在章惇蔡京數奸而實司馬光呂大防諸賢自貽其患南宋之禍其罪在秦檜韓侂胄數賊而實岳飛韓世忠諸賢將坐失其機何則元祐初宣仁擢用故老黜安石之

魏叔子文集

論

卷一

宋論上

五

黨以盡反神宗之政司馬諸賢言無不聽行無不遂勢不可謂不專使此時能取小人之桀雄者斬殺之其次者竄逐之則太后雖崩無足慮哲宗雖暗無能有蠱惑其心而奪其鑑者慮不出此而優柔養奸行調停之說其罪之極大重惡者止從放逐或罷使閒居或使之仍立于朝以爲足以致治而無憂而不知逐者可還罷者可起在朝者可攀援窺伺以馴至于得柄書日樹德務滋除惡務本蓋熙寧之禍延蔓于紹聖政宣而根伏于元祐也高宗既立天下引領以

望恢復。韓岳諸將戰無不捷。金師幾於北遁。然稽以一人主和。其內諸道之師悉罷。甚至矯制殺飛。而天下事遂不可爲。嗚呼。鬻拳兵諫。君子猶以愛君誦之。與其死於奸臣。孰死于敵之爲。烈避專制之罪。名何如棄二帝。敗國家。塗炭生民之禍。爲。酷向使飛不奉詔。不旌師內覲。其始若同于叛臣之。強強跋扈。而不可制。而專力圖金。克中原以迎二帝。然後還戈而清君側。解柄伏闕。自尸抗命之罪。則雖有百槍。不足以爲憂者。而區區之金。其何不可翦此。而朝食。蓋嘗論三代以後。人才莫盛於宋。其致治遠不及漢唐。何也。漢唐之立國在強固。宋之立國在忠厚。漢唐以強固立國。而其法多蕩軼簡易。故一時臣工類能敢作果爲。以自奮其才智。是以能成功。宋以忠厚立國。其法多繁委周密。而一時臣工又皆循禮守分。不敢踰越尺寸。斤斤然規矩準繩之中。以自救過不給。是以不肯者不能爲大亂。而雖有大賢不能遂志。畢力犯非常之舉。以至于大治。嗚呼。排衆論。冒不韙。危天子。以成大功者。終宋之世。吾以爲寇萊公一人而已矣。

魏叔子文集

論

卷一

宋論上

三七

溫伯芳曰筆勢若饑鷹之搏兔○論似奇險
究竟不出人心口間然誰敢形之於筆而又
能如此猛鷲迅悍耶

曾止山曰傳曰惟仁人能愛人能惡人叔子
天性仁厚純謹而其言若此可以想見一斑

張叔子文集

論

卷一 宋論上

五七

徐宣振云
神宗時病
在憤激而
安石之執
物益堅皆
宗時病在
姑息而羣
奸之凶毒
愈肆

○○○宋論下

或曰紹聖之禍君子之病在憤激吾則爲之言曰君

子之病在姑息夫諸奸蠹國殃民豈竄斥尚爲過耶

且夫畢曲云要論仲游常安民深識遠慮天下之奇才也既未

使之大用而呂惠卿首附安石以害天下自當誅不

踰時何元祐間尚在政府必自求散地而後出之章

惇蔡卞死有餘罪無一人就戮者蓋元祐諸賢徒守

成規謂祖宗朝未嘗輕戮大臣不可自我壞之而其

間猶不能無狐死兔悲之感自范文正爭晁仲約之

魏叔子文集論卷一宋論下

死以爲怨他日吾輩亦未可保而富鄭公使契丹還

身處危疑乃亦嘆曰范六丈真聖人范富大賢其所

見已如此矣語曰當斷不斷反受其亂古之聖賢無

事至論不極于寬仁獨至王人奸臣則痛絕之惟恐不亟

傳曰惟仁人放流之未已也必曰逆諸四夷又曰不

與同中國孔子爲司寇七日誅亂政大夫少正卯無

非此意也或曰諸道師旣先撤岳忠武雖不受詔豈

能獨自成功吾則曰諸將雖悉罷兵然岳軍一出金

將聞風走死且其時部人之輸歛者日以千萬計是

獨力何不可辦也。或又曰：忠武抗三命，朝廷必檄兵誅之。天下皆疑忠武以爲叛，則其兵亦必不可以復用。吾則曰：忠武召還之時，當直言於高宗曰：「二聖必不可不迎，中原必不可不復。」奸臣如檜等，必不可信淵聖還。必德禮陛下不暇，且天下彊兵大帥皆陛下所拔擢，委置陛下堅讓淵聖，淵聖斷無能復辟之理。願毋爲奸臣所中，臣能成功，則伏闕待誅，自服抗命之罪，以正君臣之義。如其不然，進而死敵，不徒還也。如此，則辭直而義正矣。辭直而義正，則天下不疑况

魏叔子文集 論

卷一 宋論下

三五

河北義士聞用兵，則喜；聞罷兵，則感憤涕泣。安有不自然來從者？朝廷畏金如虎，金畏忠武如虎，則朝廷安能制忠武哉？韓劉諸公必不肯舉師而戮忠武明矣。故忠武一日爲純臣，則舉朝忌之；殺之忠武一日爲叛將，則舉朝畏之。尊之古今亡國之情勢，類皆如是。惜乎忠武之未可與權也。吾友邱維屏曰：元祐司馬諸公惜其止奉太后而置哲宗，若無有此，其于格君之道，卽有未盡，所以小人得而中之是，則可謂知言已矣。

族祖石牀曰兩論皆踴厲風發悍不可當然
此論可存宋人必不能行之余謂宋人被理
學二字束縛雖武勇皆不能跳出圈格如韓
岳是也又况以決裂望元祐諸賢相乎然此
義此理自是古今奇膽偉識懸之千古必有
能爲之者

謝曲齊曰其語之獨到處驚心駭目皆義理
具足二十分故能有此識見發此議論

○太平興國論

古正統之君未有以四字建元者有之自宋太宗始
太宗頻歲改元曰太平興國元年何謂也曰所以自
異于禪受之故也古之開創有天下者則人知其爲
開創世及有天下者則人知其爲世及若夫功在開
創而各同于世及無所以自異則其心有所不甘太
祖以軍士之戴驟爲天子密謀大計太宗之功必多
焉太祖將崩而太宗嗣位彼固曰此天下者吾所共
經營而得之者也天下不知吾之功自足以有天下

魏父子文集

論

卷一 太平

聖

而威歸德於太祖之讓以謂舍子而立弟夫唐高祖
以秦王之力取天下而立建成爲太子建成豈能一
日居之哉于是頻歲改元而又必表異以名之曰太
平興國以爲國自吾興故也而後天下後世顯然知
吾自有天下之功或曰真宗改元大中祥符徽宗改
元建中靖國何也曰真宗以神人之告當降天書大
中祥符三篇因而改元固無足異徽宗時曾布爲政
欲合元祐紹聖之黨而調和之蓋有所變革以風示
臣民故特殊其號以見意而其事則皆太平興國爲

之倡或曰漢光武末亦改元建武中元是不始于太宗矣曰光武本改中元而仍以建武冠之時帝方惑于圖讖封禪以爲日可再中壽可更益如文景中元後元梁武中大通中大同之類耳非以四字表異者也若夫太武之太平真君武氏之天冊萬歲西夏之天授禮法巫祚蓋僭亂而不足數然皆有翹然自異之心焉故古今之以四字建元者莫不各有其故考其故而太平興國之故益可見矣

陸冰脩曰從興國窺見太宗心事殺弟殺姪

魏水子文集

論

卷一 太平

四七

之根便伏于此

溫伯芳曰只發改元之意而太宗人品具見

此舍光宵練殺人無跡者也

邱邦士曰體力健

○○蔡京論

昔司馬光欲復差役之法為期五日同列病其太迫

蔡京知開封府獨如約光喜曰使人人奉法如君何

不可之有其後紹聖崇寧間首以光為姦黨使賢士

大夫盡遭荼毒流禍生民馴至亡國者則皆京為之

倡也魏子曰知人之難豈不信哉古之善用人者非

必盡有高世之識也內設大公之心外破一成之見謂云先提明

因其跡之所可見者大旨俱實實有下千處非虛冒迂禍之以理則久

之而真偽短長可以互得嘗觀世所號君子必其愛

魏叔子文集

論

卷一

蔡京

四三

君子而惡小人然君子惡小人之異已者而愛君子

之同已者夫惟同己之愛則小人可以出投其間而

入得其懼心故吾謂小人之難知非獨其才足悅也

始莫不有過人之行嶄嶄然立名義于天下足以大

服君子之心而其後得天下之柄禍遂至于不可

救蓋自古有之而宋之小人正此術者尤眾是以接

跡而不絕以至于亡四京辨見青城之役金人立張邦昌為天

子秦檜與馬紳吳給共為議狀金師極言異姓不可

立願復嗣君以安四方金人怒執檜去及檜南還高

懷云執成
見愛同已
二事是第
子大病却

梁作兩平

宗曰朕得一佳士方檜之以抗節北去奔而南還也
其誰不謂忠而惡知其後之至于此王欽若請遣使
除逋欠釋囚繫丁謂請罷兵撫蠻寇而蔡卞知宣廣
貨貝一無所取夷人廉其去以薔薇露酒其衣而送
之且夫人有矯名立節以取榮譽及于得志恣行其
私者有祗行礪志出于本心晚節不終一敗塗地者
有希君相風旨以忠直為諂諛廉潔為勢利者有性
之所秉長短各殊或直而不廉或仁而不忠或剛介
而嫉妬寬厚而貪汙者是故君子之用人以其善而

魏叔子文集

論

卷一

蔡京

四

直 蔡京

○疑○上○句○尤○妙
信之與以其善而疑之則皆可以失人僱役本非當
改光以安石法必盡改之後快至成見所持則蘇軾
之諍執不免於忤而京之將順不免于喜也秦檜在
紹興為奸一耳或趙鼎以為小人張浚以為君子或
浚以為小人鼎以為君子一人之見先後倒易豈非
同已之蔽哉噫此為學不能克己終不可以為宰相
也與

應同已

歷成見

甘健齋曰就僱役一事蔡京一人勘出諸小

人之奸諸君子之弊反覆提撕名言鑿鑿不

止爲一代關係成敗

涂宜振曰惡小人異己爲小人忌惡君子異己且爲小人喜愛君子同己非君子喜愛小人同己尤非君子福爲大臣者不可不三復斯篇

弟和公曰皆刺骨洞髓之言莫作平正迂濶道理看過

沈甸華曰此理本是平正然在他人言之則迂濶矣方知格力二字正不可少雖有至理

魏叔子文集

論

卷一

蔡京

墨

非高文不傳也

夫曰小人者
曰且爲小人
皆起自惡小人
小人惡惡死也

○蘇雲卿論

或曰蘇雲卿嚴子陵之流亞也魏子曰不然光武旣定天下朝廷之上多賢將相亡一子陵不足患故子陵以其高風厲天下而東漢之氣節成焉張浚爲相小人狐媚於內金虎視於外此君社存亡萬姓安危之日也且雲卿亦旣知浚之不足勝任矣雲卿不踐上食毛爲宋之民則可雲卿而爲宋之民坐視君父危亡天下塗炭漠然不動其心則上不忠于君下不義于友是安得以比子陵也曰然則雲卿非與魏子魏叔子文集論

卷一 蘇雲卿

望

曰吾于此見雲卿之知浚而浚之不知雲卿浚剛而懷諫雖有雲卿不能用當浚與趙鼎並相天下引領望治浚卒使鼎罷位以去後之論浚者曰浚三將而三敗非獨其才不足也富平之役李綱尚在浚不能用淮西之舉岳飛在營浚惡之聽其歸終毋喪而不能留符離之戰虞允文遠在川陝浚知其賢不能舉以自副故雲卿以浚爲德有餘長于知君子者非也雲卿知浚不可同事故婉辭以答人而高蹈遐舉若避水火之遽且甚者此足以明雲卿之志矣朱熹大

儒其頌浚之辭幾與伊周並駕致後世疑爲朋黨其亦不審也已雖然浚爲國至死不襄公則未也而忠則已至論浚者兩存焉其可也

湯惕菴先生曰以雲卿知張浚不能用婉詞以答可謂特識名言

友姪王源曰爲民亦有君國之責真千古偉言篤論爲石隱一輩下此棒喝不小文字直下刺入處有寸鐵殺人之能

魏叔子文集

論

卷一

蘇雲卿

四七



此下審也曰職然於國至死不襄公則未也而忠則已至論浚者兩存焉其可也

○○○趙鼎張浚陳俊卿虞允文論

君子之患莫患乎勇於自信而不能屈已以成國家
之事故其功可以垂成而輒敗宋紹興趙鼎張浚並
相天下稱小元祐壽春之捷浚欲乘勝攻河南而鼎
欲回蹕臨安議不合高宗意主浚議鼎力求去遂罷
鼎知紹興府季宗銳意恢復以陳俊卿虞允文為尚
書左右僕射允文欲遣使請陵寢俊卿議不合而帝
方向允文俊卿力求去遂罷俊卿判福州假令是兩
君子者各久於為相協心畢力以匡時難則紹興乾

魏叔子文集

論

卷一 趙鼎一

哭

道所建立又何可量而卒無所成者則皆勇於自信
而或毅然奉身以退或以一身任天下遂聽其去而
不留也夫浚允文豈不知老成難得君子之寡助而
天下事之難為也胡越之人生不相識同舟而遇風
則相救如左右手宋於斯時蓋亦岌岌矣雖博求天
○政○則○可○耳
下之賢者與之共事猶懼其不克濟而況以鼎俊卿
之為相乎且夫鼎俊卿所諄執非有綱常名義所不
容貸與安危利害之不可須臾緩也非如李綱之論
割三鎮與論僞命當以去就力爭者也昔者教部之

第○云○進○二○步

確○証

役變人伍參欲戰令尹孫叔敖弗欲既南轅而反旆
矣伍參卒言於莊王改乘轅而北之及王逐趙旂敖
曰寧我薄人毋人薄我遂疾進師而乘晉軍大敗晉
師於邲夫欲戰者參而所以戰勝者則敖敖之不欲
戰與急於戰皆所以爲國而已之意見與功名無與
焉論不務於成己之志而犯難致力以信伍參之言古
大臣之用心不當如是耶吾嘗謂張耳陳餘之失以
爲餘失在褊燥而耳遽收餘之印綬則忍且險借客作餘波而斬二人曲直處足決千古之疑
卿之失似陳餘而浚允文有類於張耳夫浚允文豈
魏叔子文集 論 卷一 趙鼎二 四九

宋也

邱邦士曰激揚張虞二公是深愛惜君子處

說發趙陳二公是深

造大臣處世排冰叔文勝蘇氏在此等處可見

弟和公曰絕頂之論○責備四人俱確而趙

陳之失尤爲難明蓋以勇於退者大臣之節

而人且以是賢之矣引証孫叔敖一段寫盡

古今忠臣賢臣苦心大度此文與蔡京二篇

爲宰相者不可不目置坐右

○○○續朋黨論

歐陽文忠作朋黨論辨君子小人之分所以告其君蘇文忠作續朋黨教君子去小人之術所以告其臣傳曰惟無瑕者可以戮人君子自護黨而欲除小人之黨欲其君不以黨人目之得乎世愈變君子趨愈下學術不明毒壞天下之人心而其禍歸于君父也余評次二篇已為太息流涕作續朋黨論

射云開口
吟跪朋黨

魏叔子文集

論

卷一

續朋黨

五

二字如畫
沙截鉄便
已勝歐蘇
一詩

君子以道義相輔有朋而無黨故孔子曰君子周而不比羣而不黨書曰無黨無偏詩曰靖共爾位好是正直嗚呼是可以為君子矣朝廷有黨則國將亡漢唐宋是已吾以為三季之君子漢唐除宦官不勝宋以新法取怨小人其謀迂疎或失之過與不及然莫不有皦然不滓之行生不愧于君死可以見祖宗于地下雖殺身亡國其志為可悲也近世則不然所號為君子者其始類能廉潔勁直嶄然取大名于天下言人所不敢言為人所不敢為及其名日盛而權

明季黨人
好爲矯激
濟名利之
私又以其

學衡陶鑄
子孫後學
世世不絕
故煽禍流
毒無有已
極此文直
取肺肝不
使有毛髮
躲閃

日歸則異已者去之惟恐不亟欲去異已必先植同

已門生故吏薦引稱譽之方不遺餘力使布列于朝

廷于是同已者衆而其去異已也愈力矣從吾黨者

雖其人有可斥可殺之罪則必率衆而援之曰是正

類也其罪可原也不從吾黨者其人雖有可用之才

可賞之功則必排抑之曰是邪類也不可令其得志

又或其父兄舉主偶出于吾之所忌必且窮究其源

流絕之于吾黨而後已而一介之士下僚之吏其才

氣足以犯難扞衆而其身兩無所屬者則必折節羅

魏叔子文集 論 卷一 續朋黨 五

致之時其緩急而謀其榮辱誘以功名之途教之自

固之術及其得志則甘爲死黨而不辭羽翼蟠固之

勢成以天子之威有不能令行禁止于其下又其甚

者陽爲名高而卽以名高收厚利近謀身家遠慮子

孫益嘗較其爭名趨利專權怙黨之私心與彼所謂

小人而急欲去之者求其毫髮之異不可得猶詡詡

然號于人曰吾君子之黨也則日取小人而摺擊之

彼小人者獨肯甘心乎是以上不足取信于君下不

足服天下之公論而正直仁恕之士則不屑身與于

持句嚴附
如讒寧干
仍下臨絕

其間此其人雖扞小人之禍激世主之怒以至于死
嗚呼吾不知其何以為死也。是故山歐陽子之論可
使人君不以君子之黨為疑而君子或借其說以助
標榜之私由蘇子之論可使君子善于去小人之黨
而不能使君子服小人之心以取信于其君。唐文宗
曰去河北賊易去朝廷朋黨難吾以為去小人之黨
易使君子自去其黨難夫君子者必使其身毋近于
黨人之所為則幾矣

門人賴章曰描畫醜態正是提醒良心為萬
魏叔子文集 論 卷一 續明黨 五三

世下此針砭亦可云功不在禹下矣

附錄彭躬庵書後

魏水叔為續續朋黨論盡發三百年朝士之
覆謂宗嗣生民與其身家由此而盡可大哀
矣然亦有不為貨賄威福所淫屈不為官爵
子孫所貪繫滯堅持其意見佐之以學問之
醜博操行之孤介乃欲驅斥一世而從之惟吾
言之惟是其違乎此者則斥以為小人去之
惟恐不力雖至于對君父殺其身而亦有所
不悔此回世之所號為賢者也及措之于用
則反不如才臣之貪伎猶足以濟一時之事
蓋其自視過高求治太銳思以龍肉瘳天下
之飢而顧厥夫菽粟尋常之味則亦終不免
為溝中之瘠為有識之所詡笑而已矣天下
之黨莫盛于東林東林始于顧公憲成舊為
龜山講學之地萬歷中公嘗貽所知書其畧

日竊觀近局誠若冰炭某從旁靜察亦只是
始于意見之岐成于意見之激耳夫局內者
宜置身局外以虛心居之乃可以盡已局外
者宜設身局內以公心裁之乃可以盡人何
言乎虛各就己分上求不就人分上求各就
獨見獨知處爭謙不就共見共知處爭勝也
何言乎公是曰是非曰非不為模稜也是而
知其非非而知其是是不為偏執也如是將意
見不期融而自融不期平而自平矣若乃自
責則輕以約責人則重以周所愛則併其瑕
而瑜之所憎則併其瑜而瑕之在事之人既
然持議之人復然如水濟水如火濟火是化
君子而小人化一家而敵國也舉兩下有限
之精神盡為各人區區之體面用而不為君
父之宗社生靈用豈不惜哉顧公之言如是
益為其時之君子言之也是豈有私于朋黨
者哉愈趨愈下遂至懸絕必使其身無近于
黨人之所為卑者舍其勢利高者化其意見

魏叔子文集論

卷一

續朋黨

五

亦庶乎其可矣

○○平論一 有序

平論者平已之情以平人情之不平宜之于
口爲是非誌之于心爲好惡騰之于衆爲毀
譽施之于事爲賞罰是非好惡毀譽不平則
風俗亂于下賞罰不平則朝廷亂于上此四
者相因而成故吾之文亦連類而互見

今日某某然必有起而不然之吾不然其不然彼將
亦不然吾然今日某某不然必有起而然之吾然吾
不然彼遂亦然其然是故天下之是非嘗相半則吾
魏叔子文集 論 卷一 平論一 五十四

之是非有時窮然則奈何曰必衷之以聖人之說聖
人之說如權衡物有大小輕重以權衡之各如其數
而止來吾之昆若弟詔之曰吾父以某某爲是某某
爲非也必曰唯揖伯叔于庭而諗之曰唯否出而詡
于其鄰人必曰否吾之父未嘗如此是非也聖人之
說不足以厭非聖之徒則聖人之是非又窮然則奈
何曰莫如跡其說而攻之毋務勝之以吾說凡說之
偏必有所蔽見于徑者蔽于庭見于輿者蔽于竈循
其端而披其所疵則其首尾必有所不通吾格其所

不通則彼之是非。屈言理者猶談天然一人以爲天之外有天主吾身乎辨之一人以爲天之外無天主亦身乎辨之故。辨理如搏虛然則奈何曰是必有以實之實之何如曰古之人不巧者三曰立德曰立功曰立言且夫古之人不言而功德立未有無德與功而徒言者功德不立言雖美亦非是也吾以是平之。

邱邦士曰文格古

溫伯芳曰奇恣飄忽最是文家神技老泉六

經穎濱老子論是其一班

魏叔子文集

論

卷一

平論一

五

方密之先生曰筆力矯健真作史之才

白平華文... 水官天... 不... 以爲天... 以爲天... 以爲天...

○平論二

匹夫而好人惡人其好不足恃而惡之無所害使一且操賞罰之柄則一人之意足以治亂天下而有餘故欲善賞罰之道者必先平好惡吾嘗觀好惡之所以不平其故有五一日性悖一日習慝一日眩于目一日驚于耳一日域于智之所不知是故能反乎此五者則好惡平矣惡賢而好不肖性悖者也好其所親近焉而已習慝也有善不能擇擇而不能善者耳目之過好惡其所知而不能擴其所不知以已量人者域于智也且夫吾之于人必有所好惡于其間則將入乎五者而不能以自揀是故反乎此五者奈何性悖之人謂之天殃天殃者千萬之中不可一二見習慝奈何邦云治症處各有賢障下子非聖之善不敢奉非義之士不敢親吾討之古吾之好惡于是焉法之吾誡之今之賢吾之好惡于是焉衷之潔其好惡之宅則其來也有以應之而不亂眩于目奈何砥砭之石其光璘然人或以為瑯瑤而不琢則直之矣故能諂吾之目吾則好之不能諂吾之目吾則惡之錐之處囊也其穎立出橈劔

發弓雖有長技不得見是故必謹持其所詣毋忽其所不足驚於耳奈何十人譽之則吾不敢惡十人毀之則吾不敢好且夫好惡者必慎于所先入先者主之後者奴之殉其虛必喪其實執其先必距其後域于智奈何一人之智匹十人絜以百人則詘矣智匹千人萬人絜之又詘矣故守一人之智者必愚一人之好惡出于性焉性則懼其悖也因于習焉習則懼其慝也用目則眩用耳則騫也其何敢以吾爲然四者免矣懼智之所域也其何敢以吾爲然

魏叔子文集

論

卷一

平論二

五

邱邦士曰局排而別語琢而秀似荀韓諸子
中一篇文字

溫伯芳曰章法句法字法無所不備

梁公狄先生曰本是誠意致知平實道理却

以奇文出之競爽爭流令人應接不暇○四

論以平命名而文字篇各一格極力不平故

是文人狡獪亦最善出脫理學徑遂者

是非定則好惡正好惡正則毀譽平矣雖然毀譽有道畫殊麗者必極天下之繁畫鬼怪者必極天下之醜非德于姝而讎于鬼以爲否則不是成吾畫是故譽人者腴其骨而毀人者瘠其肉蓋必如是然後可以成其毀譽之說而已天道善善而惡惡聖人之道善善長而惡惡短故君子有譽人而無毀人與其失諸毀寧失諸譽請言譽者毀能賊人譽亦能賊人善譽者如飲之瞑眩之藥不善譽者如餉炮炙有毒焉腊其中而不覺也是故以譽之不平爲恐失已者小也譽人而失已他日吾有譽人不我信而止又其甚則吾不自信終其身不敢譽一人而止大賢之人知爲善而已故其于毀也喁然從而譽之也喁然中材之人其始也歆于善毀焉則輟矣曰是則然易乎然爲之或譽則輟焉曰苟能然然且足矣雖然士之伏于蓬蒿也喁口而言莫或然之刻躬而行莫或先之然底節不衰好學而善下蠱然公卿之上復過拂衆則莫之敢京何前後之戾也此無他富貴者人所不

收○忤○而○誓○之○者○衆○也○

邱邦士曰側破譽邊有見

門人楊復晉曰文有巉峭之氣而筆力運轉

於內

魏水子文集

論

卷一

平論三

五



於內

門人對與管曰文亦翻動之氣而筆力運轉

門人曰隨道來也亦其之上便也

魏水子文集

古今賞罰未有一成而不變者故平賞罰者平其義而已矣先賞後罰奈何不怙之以恩而蹈以威則從我者懼而解固然如石之脫不可合也是道也其在造國先罰後賞奈何國媮民玩不摘其桀不可懼也先之以賞是以水濟水也迨其後而束之則棄前惠怨黷生是道也其在亂國賞克厥罰奈何天下攝然大兵不興大獄不作大役不發于是乎挾綱而疏之天下不弛是道也其在治國罰克厥賞奈何國可弱不可亡民可渙不可叛也峻法以勅之毋敢作亂是道也其在衰國疑賞疑罰奈何賞疑則從重罰疑則從輕是道也仁主以之功同而賞異罪同而罰異奈何不能者生民心其能者有機焉以操天下之智勇非賞罰之平也是道也權主以之數賞而不勉奈何國無綱紀臣不共君民不畏吏干賞則往如敝市傭可以緩不可以急是道也闇主以之數罰而不憚奈何君以徼爲明吏以多殺人爲能民習撻掠視斧鑕若耒耜不護其生慄而思動可以戰不可以守是道

也。驚主以之一舉而已。功則賞之有罪。議罰奈何。功大從賞。罪大從罰。或薄其賞以塞其罰。是道也。厥謂以大蔽小。罪則罰之有功。議賞奈何。緩則從罰。急則從賞。或薄其罰焉。售之可也。是道也。厥謂以急易緩。親儷于罰。奈何可議者。議之不可議者。不以親。執法是道也。厥謂以公滅私。雖儷于賞。奈何賞之而已矣。是道也。厥謂以直報怨。賞蒞于親。罰蒞于讎。奈何吾無忤於吾心。斷之可也。違其跡焉。不可或虞。其時焉。譬之可也。是道也。厥謂以義制事。賞盡則恩窮。罰盡

魏叔子文集

論

卷一

平論四

六十一

齊。此一段。參差。獨出。然。見其。緊。嚴。處。
則威窮大賞大罰。不可以輕用也。故摩世者必先之。小賞小罰。以持其心。是故善用罰賞者。留有餘。驟賞奈何。賞極而不盈。是謂大受。驟罰奈何。誅不待教。是謂大懲。驟賞其魁。則不足賞。已驟罰其魁。則不足罰。已當賞而財絀。奈何吾罰其不用命者。則用命者榮矣。是之謂以不罰爲賞。或曰非齊之也。豐之以情。故仁人之言。溫於綿。續富於車馬。詩曰。非女之爲美。美人之貽。是道也。以之當罰而勢絀。奈何吾賞其用命者。則不用命者愧。是之謂以不賞爲罰。或曰謹持其

禮以正之。則人不敢犯也。故仁義可以爲干櫓尊俎之間折衝。易曰威如之吉。反身之謂也。是道也。以之弟和。公曰分畫條列於古今。賞罰經權得失之故。無不詳盡透切。而高典樸茂。卓然三代之文。

危習生曰。文如精金百鍊。然鈴錘之迹。盡化但見一片寶光。使人驚懸耳。真絕構也。

○○地獄論上

或問佛說地獄有之乎。魏子曰：吾不知佛爲何如人。其說地獄不悖於聖人無惑也。曰：然則聖人何以不言。曰：前之聖人未言，後之聖人言之，何必同。且夫孔子作春秋，以匹夫賞罰天下，諸侯大夫譏貶天子事，皆出于創說，使非聖人爲之，則衆人懼矣。古之聖人言上帝后土鬼神善惡禍福感應之事，甚備而佛氏衍而象之，其何怪焉。且子亦知地獄所以說乎。三代以上，禮明刑平，君相治於上，百姓安於下，故鬼神無所事，賞罰及夫世衰刑賞亂，善惡淆，人心鬱而不平，或惡極罪重，考終以死，又或一死不足以償罪，天下之人以爲禍福者，事之適然，不必其善福而惡禍也。于是善無所勸而惡無所懲，子不見夫宋子業、趙石虎之殺人乎？不見夫曹操、劉裕、華歆、秦檜、崔立、蒲受、斯之奸賊乎？曹操華歆杖殺伏后劉裕弑甘心禪讓而崔立送兩宮諸王赴青城蒲受明開泉州城殺宋宗子數萬此數事爲古今奸賊之最特舉以例其餘不見夫隋楊廣、金完顏亮之淫逆乎？國家之法至于凌遲止矣，甚而門誅又甚而赤族止矣，今夫剛狠之

人。愍。不。畏。死。殘。忍。之。人。則。立。視。其。父。母。子。姓。之。死。不。
以。動。其。心。而。又。門。誅。赤。族。之。刑。濫。而。無。當。也。是。故。人。
莫。痛。于。身。受。極。刑。刑。莫。慘。于。求。死。不。得。求。死。不。得。莫。
甚。于。死。可。復。生。散。可。復。聚。肉。血。糜。爛。可。成。體。以。展。轉。
于。刀。鋸。鼎。鑊。之。中。百。千。萬。年。而。無。有。已。極。于。是。于。請。
賄。賂。無。所。謀。孝。子。慈。孫。不。能。代。惡。報。極。于。其。身。株。連。
不。及。于。一。人。嗚。呼。至。矣。盡。矣。無。以。復。加。矣。于。是。而。生。
人。不。平。之。心。始。平。于。是。而。人。勸。人。懲。

兄善伯曰以門誅赤族洗發地獄之善真是

魏叔子文集

論

卷一

地獄上

卒四

剗論確論至論妙論足空千古作者

○地獄論中

三代以下刑賞不足以懼人於是孔子作春秋以名懼之曰汝弑汝君與父而爲帝王極富貴擅威福天下頌神聖而書之於策則億萬世亂臣賊子之名不能去夫名之爲說可以動天下之智者而不可警天下之愚人與羈縻天下之智而蕩軼非常之人何則愚者見目前倡優盜賊爲其實安其名不之耻也蕩軼非常之人則以名者身後之事吾有知乎爾吾無知乎爾且吾有身耳名強而命之天下姓同名同何魏叔子文集論卷一地獄中五必其是我天下無姓同名同者亦何必其是我不勝私慾之忿則曰不能流芳亦當遺臭嗚呼彼固不嫌以亂臣賊子自居矣苟執是人而刀之鋸之鼎之烹之則未有不叫號哀痛慘切而求免也不能刀鋸鼎烹之于其生而刀鋸鼎烹之於其死是故刑賞窮而作春秋筆削窮而說地獄也

溫伯芳曰文特勁悍末二語如天性地維

兄善伯曰推出大聰明人放肆無忌不顧名義一段心事如見肺腑真有描風鏤影手段

○○○地獄論下

余篤信地獄爲事理所必有而誦經崇佛消災滅罪之說爲事理所必無蓋崇佛可以滅罪則勢力之家不妨窮兇極惡但出其十一之資卽可免罪是問雖曰祇下畏勢徇情之庸吏而佛乃護黨好諛于請闢說之豪紳小人恃此益敢爲惡如豪貴子弟倚父兄親黨爲害鄉里事敗當有救書至也世之愚夫愚婦惑此不小若果是佛意則佛且當首坐地獄中一席矣余嘗疑佛經多出譯者其語意未員處當是弟子尊師之過或借以聳人聽從布施可期流通易廣而不知其流弊至此然執此以廢地獄之說則又所謂懲噎而廢食者懺云未作之罪不敢更作已作之罪願乞消滅此則善於言修齋誦經者矣自記

或曰佛未至中國三代以上曾無一人入地獄者後世死而更生言地獄事非誕則狃於習聞妄生神識耳魏子曰漢唐以前狐突見共世子苟偃訟厲公亦

既徵其事矣且卽以爲自古無之三代以下可造而
有何以明之天下之事莫不自無而之有天地何始
未始以前無天地萬物何生未生以前無萬物人浴
而振衣豈有蚤虱哉久則蚤虱生又久之而蚤虱化
牡長子孫今人自無蚤虱以有蚤虱而卒不怪者習
於常也末世賞罰失措人心憤結則必有鬼神焉以
洩其不平久之而人之耳之所聞有是焉心之所思
有是焉感恩讎視而詛者有是焉於是而地獄成
矣蠅蝦之轉丸也丸成而精思之有頓而白者存八

魏叔子文集

論

卷一 地獄下

七

中治金丹者晝夜精思而神丹生於虛器故曰心能
生氣氣能致精精能成形而或曰鬼無形也庸可執
而朴乎易曰精氣爲物游魂爲變是故知鬼神之情
狀夫有狀則有形有情則有識有形則可拘而制有
識則可疾而苦子不見夫夢乎夢無形也夢人鞭之
則夢中之身痛焉夢食珍美味則夢中之口甘焉
夫以形制形故人治人以無形制無形故鬼治鬼譬
猶馬鳴雀叫人不得通而彼雀馬則能通之鳥翔空
中人不能鬪鳥則鬪之是故鬼可執而朴矣或曰備

說地獄惡人不息說之無益明矣曰夫子作春秋而後世亂臣賊子不止則亦將曰春秋可無作耶是故地獄之說戒發生之說吾謂可補前古聖人所未及

兄善伯曰從無証有確確可據思理最精最微而言之顯淺人人可悟讀此乃知徒謂借地獄以警人者猶庸人之見也

弟和公曰吾兄信地獄爲必有崇佛滅罪爲必無儒者則惡其不經非正學明道之言釋氏則惡其謗法塞衣食布施之路此論出而儒釋俱拒爲門外漢矣然生不償罪死必極償又決非修齋誦經可免自是千古至論真有見於天地之心不悖聖人之意者不儒不釋之間吾兄自有此等力量獨立不懼可以質鬼神而俟百世也

○○地獄補遺論

余覽釋氏所論地獄有鞭撻剗割舂磨毒蛇猛獸水火之刑大約皆不忠不孝傷人害物生而王法不足蔽其辜故死報以極刑使之慘痛于其身而悔于心獨疑有所謂黑暗屎尿地獄者不知其何所處也以其罪有害于人耶則不若鞭撻剗割之痛以其罪尚無害于人耶則青災可肆赦矣然則是獄也實處于無罪有罪之間天下亦安得若人而居之吾嘗觀學士大夫被服詩書吐納道德亦既斐然成章居之魏叔子文集論卷一 地獄補 三九

不疑矣子弟以此奉其父兄門人以此報其先生僚屬以此貢其長吏朋友以此贈其交游著書立說精微汗漫布于海內取古人之能事被于己之身而取己身所隱痛深病入于骨髓而不可療者鯁鯁大聲疾呼以鍼砭天下之人而自鳴其無病于是好名者靡然從之貞脩之士亦側耳延頸以庶幾其或遇然間執其鄉里負販之夫左右近習僮使不識字之人而問之則與向者書冊所見士君子所稱譽蓋已較若水火而不相蒙且夫人不可爲盜蹠而已矣不

躬云直刃
曲制真抱
丁神技

必其盡爲伯夷日中而趨于市明明持斗粟疋布以
爭尺寸之利此商賈之行亦聖人所不禁王法所不
議也今入市而爭利以爲此古者納價觀風之遺意
市散而退曰我伯夷之廉也其黨之譽之則且以伯
夷爲潔身之常事必推而進之卞隨務光之列而負
賊僮僕之公論卒不能勝士君子之文章夫商賈冒
伯夷初未嘗害于人也國家之律例亦未嘗有此罪
而人之見之則忿然興不平之心若殺越人于貨者
之可仇恨嗚呼是可以識天地鬼神之情矣蓋嘗論

魏叔子文集

論

卷一 地獄補

七

之王法所不議者地獄所不加鞭撻剗割之刑旣不
可施諸其身而其罪又終不可以赦則必求乎未嘗
慘痛而生人一日所難堪者使之處乎其中幽悞嘔
穢以償其詐僞之高名而庶幾其本心之動此黑暗
屎尿之獄所爲不可已也又乎此者其文章一日未
毀譽之者一日未絕其名一日未滅則此獄終不可
以一日出首楞嚴曰賊假衣服裨販如來嗚呼今之
裨販孔孟者竟何如也

兄善伯曰嚴刑峻法之際却溫柔敦厚一唱

三嘆議論精奇固不必言

門人曾彝曰黑暗屎尿卽令初無此獄鬼神
有知當特設以待欺世盜名之人今此獄旣
具則爲此種人入之亡疑矣文中擢筋剔髓
毛髮畢見是以菩薩心腸現閻羅王相者可
與續續朋黨並讀有關名教不小

魏叔子文集

論

卷一

地獄補

七

系教及



507